

浙江省地方志编纂委员会整理

重修浙江通志稿

标点本

【第二册】

地理考 民族考

民国浙江省通志馆编



方志出版社

浙江省地方志编纂委员会整理

重修浙江通志稿

标点本

第二册

地理考 民族考

民国 浙江省通志馆编



方志出版社

《重修浙江通志稿》第九册 地理考

第四节 海 岸

一、概 说

海岸之利，曰渔，曰盐，曰垦植，曰商务，曰交通，而设险亦属重要。浙省沿海渔、盐、垦植之利，自古已饶。就商务、交通言，早兴于秦代以前。秦置鄞县于贸山，在今鄞县东十八公里，旧《志》谓因海商贸易于此而得名。夫当时海商何自而来？非来自各海岛及闽、粤诸地耶？则海上早有交通，盖可知矣。始皇东巡，留驻于鄞至三十日之久，苟非因其贸易繁盛，何以恋恋至此？厥后，汉武伐闽越，一军下若耶，出句章，浮海以南，可知航路久通，故水陆夹击，非凿空冒险比也。三国吴时，魏将王雅浮海入句章，大掠而去。五代吴越与淮南相攻，海道常为角逐之所。明世，倭寇为患尤烈。延及清季，宁波、永嘉、沅，因被迫通商，而三门湾亦曾受覬觐。筹海固圉，刻不容缓，固不仅渔、盐、垦植等之振兴发展已也。考浙省海岸，北起江苏之金山卫，南迄闽边之沙埕。以潮汐之消长，沙涂之涨坍无恒，全长若干里，殊难得其确数，约而言之，大概为千二百里也。自镇海县以北，多为沙岸，其南则半为岩岸。兹自北而南分次叙述，而其间桑海变迁之处，亦附及焉。

二、杭州湾以北之沿岸

自江苏金山卫迤西入浙江平湖县境，曰白沙湾，西距县治三十里。明洪武中，自广陈镇移巡司驻此；嘉靖中，筑城为戍守处。清代仍设巡司。沿海二十余里，皆土塘。迤西南为东司城，为朱家墩。朱家墩西北曰全公亭镇。民国二十六年冬，日兵由此登陆，淞

沪遂不守。朱家墩西南曰芦沥场署，曰张家墩。又西南曰独山，高百二十七尺，屹立海滨。其西麓，西司城在焉。东西司城，相距二十余里，皆昔时设险处也。西司城东有石塘，约八里，接于上塘。再南曰梁庄山，曰益山，高六百一十一尺，亦在海滨。益山之西曰大山，高一千一百八十九尺。再西南曰骑龙山，高一千又十八尺；曰高公山，高一千三百二十五尺。再南曰里浦山，本为小岛，以沙涨而连于陆。里浦之东，有小岛三：曰乌龟，曰牛岛，曰外浦。再东南为王盘洋，有上盘、下盘、劈开、无草、一堆草五岛，东西分峙，孤立于大洋之中，总名王盘山。东晋时，犹连于平湖陆地，不知何年沦于海，今去陆地百余里矣。里浦岛南南海中，自北而南，有盐卵、小孟、大孟、荠菜四岛，皆小岛也。自里浦岛而东曰东常山，曰陈山岛，高二千三百八十四尺；西曰灯光山，庙湾炮台在焉。其西北即有名之乍浦城，北西距县治二十五里。元至正时，番舶悉萃于此。明洪武中，自故邑城移巡司于此，筑城，建千户所，增置水寨，为海道三关之一；隆庆中废海口、澈浦二关，留乍浦一关，辖水寨十四；嘉靖三十二年，倭寇据乍浦，遂犯杭州。清顺治中，废千户所，置巡司及守备；雍正中，增设水师营、游击，又移杭州副都统及满兵驻此。旋改游击，设参将，为海疆重镇。自乍浦西北至四顾桥，入海盐县境。

海盐沿岸皆土塘、海沙，三盐场在焉。自盐场西南至海盐县城，南为石塘，约十五里。明初置海宁卫于海盐，乍浦、澈浦两千户所均隶之。自县城而南约十余里，复为土塘，有小半岛，突出海中，曰秦驻山。《水经注》：秦始皇登以望海，故名。《九州志》：一名秦径山。秦始皇经此，美人葬于此，下有美人庙，故名。其南曰望虞山，旧经云：隔海可望会稽、上虞，故名。今名杨柳山。山北海中有普山、白塔山。至元《嘉禾志》：山上有白塔，因名。旧有港，通鲁浦，名曰白塔潭，海舟多泊焉。可知当时南与岸连，今则距岸数里矣。《间窗括异志》：海盐县捍海塘，自县去海九十五里，有望海镇。岁久波涛冲啮，尽为海洋。别详《钱塘江变迁篇》。二岛东南海中，又有草鞋葛山、羊头山诸岛在焉。秦驻山西南十里曰澈

浦,北东距县治二十八里,其间皆为土塘。自唐、五代、宋、元、明以来,澈浦皆为重镇,兼置榷务。明洪武中,筑城置千户所,辖水寨十三。澈浦城东有青山,突出入海中,弘治《府志》:澈浦之主山也,上置烽堠。东南有长墙山,亦突入海中,为半岛形。宋常棠《澈水志》:秦始皇东游,登以望海。以其孤耸,望如长墙,故名。今名常山。青山、长墙之间有石塘,约二里。澈浦南东曰葫芦山,高一千五百二十六尺,亦突入海中。《名胜志》:其山浸在海中,潮汐消长,如葫芦出没,故名。语云“潮生潮退,葫芦自若”。可知当时此山尚在海边,今已半在陆地。沧海变为桑田,与其东之桑田变为沧海者不同。长墙之南有石帆,《县志》:兀峙海中,耸若挂帆,故名。大巫子、小巫子诸岛、葫芦岛之东西,皆为土塘,其南又有狮子山、白陂礁二岛。澈浦、乍浦之间,孙中山有建筑东方大港之计划,兹引述如下:

此港计划,当位于乍浦岬与澈浦岬之间。此两点相距约十五英里,应自此岬与彼岬之间建一海堤。而于乍浦一端离山数百尺之处,开一缺口,以为港之正门。此稳海堤,可分为五段,每段各长三英里。因现在先筑一段,长三英里,阔一英里半,已得三四方英里之港面,足供用矣。如商务长进,可以逐段加筑,以应需用。前面海堤,应以石块或土敏土坚结筑之。其横于海堤与陆地间之堤,则可用沙及柴席叠成,作为暂时建造,以备扩张港面之移动。此港一经筑成,永无须为将来浚渫之计划。此港近旁并无挟泥之水,日后能填满此港面及其通路者也。在杭州湾中,此港正门为最深之部分,由此正门出至公海,平均低潮水深三十六尺至四十二尺,故最大之航洋船,可以随时进出口,故此计划港作为中国中部第一等海港,远胜目前上海也。此计划港之便利有三:(一)此为未开辟之地,规划城市,发展实业,皆有绝对自由。一切公共营造及交通计划,均可以最新利之方法建设之,而无所牵掣。(二)未开辟之地,政府收买之,其价较廉。第一段完成后,此港发达,地急速腾贵,土地自身能发生利益,可以偿还以前收买之价而有余。(三)

此计划港兼有上海商港之优点,更加以由铁路以与大江以南各大都市相交通。此港较之上海为近,抑且如将该地近旁与芜湖间之水路,加以改良,则此港与长江上游水上交通亦比上海为近。不待多年,其繁荣即可与上海相埒。将来且可发展,至大如纽约者之最重要之要素。

自澉浦而西,又有群山突出海中。在海盐、海宁之间曰高阳山,高二千九百十二尺。东曰东寨山属海盐,西曰望夫山,《澉志》:昔海商失期不返,其妻登石盘望夫泣,陨化而为石,故名。旧立烽墩其上。属海宁。望夫山之西曰凤皇山,高一千五百八十二尺,《县志》:形如翠凤,故名。插立海中,为海宁之水口。其上旧有炮台。其南曰石塘山。更西曰大尖山,高二千八百又十尺;《两浙盐法志》:山周十里,其上高峰周一里,建烽墩墩于其上。曰小尖山,高一千四百五十二尺,皆突入海中。山与沿海之间,皆有石塘护之。望夫山与凤皇山之南有松山、蟹山二岛,凤皇山南有父子岛,大尖山东南有紫竹山岛。大尖山之南对岸曰夏盖山,属上虞县。双峰遥峙,而水底实相联贯,其山根横亘海口之下,俨若户浪,距水面只十二尺,大潮汐因之而起。故所谓尖山口,实钱唐江之真正门户,江海之分界处也。《水陆道里记图》于紫竹山岛之南有“鳌子壘”三字,谓鳌子壘在此。此则大误。考《清统志》,鳌子壘在龛、赭二山间之龛山下,有鳌子山名,盖由此。龛、赭二山间,久已淤为平陆,则昔所谓鳌子壘者,已不复存,不得复在此也。西人指此地为怒,又名钻怒者,言大潮汐之起于此钻者状海水之陡降于十二尺之户浪也,别详《潮汐篇》。

三、杭州湾以南之沿岸

杭州湾南岸,起于上虞县之夏盖山,山高二千又九十三尺,《县志》:其形如盖,一名夏驾山。相传神禹曾驻于此。上有龙潭,能兴云雨。四无依傍。盖本为海岛,以沙涨而在陆地者也。嘉泰《会稽志》:夏驾山

在湖中,其湖即名夏驾,去海数里,讖书云,夏驾山浮可避甲申水灾。今则湖已无有,去海亦不止数里矣。其西当曹娥江,大曲之北曰沥海所,明洪武中置所,筑城戍守。再西在绍兴县境,曰曹娥江口,曰三江口,明洪武中置三江所,筑城为戍守。按:《吴越春秋》:范蠡乘舟止于三江之口。三江者,浙也,浦阳也,剡也。盖其时海面广阔,积沙未起,钱唐江由西移而东,浦阳过钱清镇由南而北,剡溪过曹娥镇由南而北,同会于此,故有三江口之名。其后沙涨渐多,钱唐江之出口愈移而东,旧时浦阳江下流之西小江亦愈移而东,以与曹娥江之下流相合而入钱唐江,仍名之曰三江口,又名宣卷。今则曹娥江口之西又有涨沙,与西小江下流隔绝。于是三江口之名,又专属于西小江下流矣。别详《浦阳江变迁篇》。则属于钱唐江南岸,而非属于杭州湾也。自夏盖山而东为谢家塘、黄家埠,入余姚县,有庙山镇,东南距县治四十里,《县志》:即明之临山卫也,洪武时置。永乐时,筑城在庙山之上。故名。再东名曰三山镇,西南距县治三十里,《县志》:以蔡山、破山、金山三山并峙而得名,亦名浒山所。庙山镇之北有塘曰利济,绵延而东,直达慈谿之界。利济塘之北复有塘,西曰老圩,东曰晏海,亦直达慈谿之界。沿利济塘而东,炮台林列,盖皆昔时守险处也。老圩塘之外复有老新圩塘,其外更有新圩塘,盖沧桑变易多矣。《绍兴志》:明永乐初,海塘渐却,沙壩坟起,因于旧海塘北增筑新塘,以卫斥卤,既而沙壩广十余里。成化中,稍为风涛荡决,复于海口筑塘曰新御塘,以斥地给灶民为盐课。今余姚县北之海塘,西自沥海,东达龙山,名曰新迁塘,盖即新御之转音也。

慈谿县治北四十里,有观海卫,明洪武中置,城周三里,中有磨石、浪港二山。在迎浪山之南,止高一千七百四十二尺。昔亦在海中,沙涨而连于陆者也。卫之西南有鸣鹤场盐课司,在杜湖、白洋湖北,今已废。卫之西北,当余姚、慈谿界上之洋浦海口,有黄牛岛,岛东方家浦口有铜锣、海王二岛。旧《志》所载,更有大忌、小忌。成化《郡志》:下有暗礁,为舟航往来所忌,故名。瓜誓、桑屿、簪岙、庙山诸岛,今悉在陆地矣。更东南有向头山,延祐《四明志》亦名西龙尾,东望伏龙山。龙头以东属定海,龙尾以西属慈谿,二山捍海,其中涨涂渐与山

接,右有海塘闸柱尚屹然。今亦在陆地之内。此皆沧桑之变也。

伏龙山屹立海滨,东南距镇海县治四十里,高二千八百二十一尺。嘉靖《县志》:伏龙山,一名箬山,首尾跨东西海,蜿蜒如门。西人海图称为大龙岛。其南有龙山所城。明洪武时筑,周三里,属观海卫。自伏龙山而东南有五桂、今作五居。蟛蜞、蟹浦三岛,惟蟹浦岛尚在海中,其高一千二百五十五尺,余皆附于海滨。蟹浦岛西陆上有蟹浦镇,宋代于此置戍,东南距县治二十五里,旧为慈谿县界之凤浦湖、沈窖湖、白沙湖、灵绪湖入海之口,今悉湮塞。自杭州湾南岸至此,濒海皆浅沙,入海甚远。惟蟹浦之海较深,离岸一二里外,水深在六拓左右。若由此登岸,循海塘大道,仅三十里即达镇海县治。故守镇海者,恒以蟹浦为北路要隘焉。

镇海县城踞甬江入海口之北岸,中等轮舟可以入口,上溯直达鄞县城东北倚招宝山,威远、绥远、安远三炮台在焉。吴莱《甬东山水古迹记》:他处见山有异气,疑下有宝,故名。嘉靖《府志》:旧名候潮山,以诸番入贡者多停泊于此,因改今名。明嘉靖中,筑威远城于其上,以扼截海口,与县城相唇齿。其东南峙一小山,高仅寻丈,名昌国山,《县志》:潮汐至此分流,舟行可达昌国,故名。实则礁也。招宝山东南与金鸡山隔江相对,扼甬江门户。金鸡山高一千四百八十五尺,平远炮台在焉。金鸡山东北曰望海山,一名笠山,或作历山,高八百五十尺,宏远炮台在焉。北与西皆临海,自望海山望招宝山,为西偏南;自招宝山望金鸡山,为东偏南。三山相对,略成三角形,以护甬江之口。招宝山东北半海里曰虎蹲山,高三百二十尺,又有虎蹲礁。《县志》:以形似名。又东北约三分海里之二曰小游山,一名内游山;又东北约三四十丈曰大游山,一名外游山,高八百五十尺。总名曰游山列岛。自招宝山至大游山,约一海里余。三岛之间,沙道浅礁相属,实为甬江口北之蔽护。故轮舟进口,必由大、小游山之南。而大游山南对望海山约十分海里之三,俨若口门。口门中又有游山浅礁,故其水道甚狭。游山列岛之东约三海里,当三山浦之

西北,有小岛七:三岛在西,曰蛟门中柱山,最高者七百四十四尺;四岛在东,最大曰黄蟒山,高八百六十四尺。一名黄猫山,《县志》作黄茅山,西图作僵人岛,总称黄蟒山群岛。蛟门中柱山,《名胜志》:一名嘉门山,环锁海口,吐纳潮汐,古与虎蹲并称天设之险。黄蟒山南至海岸仅半海里,其间曰戈门水道,潮流甚急,故轮舟往来均由黄蟒山之北焉。大游山之北偏东约一海里又十分海里之三曰七里屿,为口外作标识之小岛,与虎蹲山均设有灯塔雾钟,以便航行。以上皆环海之岛屿也。

望海山之东麓为小浹江口。再东曰钳口门,外有荷叶山小岛。再东曰渚山,高一千又二十二尺;曰老鼠山,高一千二百二十八尺。其北伸入海中,与蛟门山相值,为一石岬。以上皆为岩岸。自老鼠山而东南则为沙岸,三山岛高六百五十尺,已连于沙岸。其北有北伦岛,高五百二十三尺;其南即三山浦,为沿海要地。自三山而东南沙岸之内,护以海塘,西曰永安,中曰萃丰,东曰余丰,再东南曰穿山镇,明之穿山所也。西北距县治四十里,《县志》:明洪武中建城,周四里。永乐、嘉靖二代,倭寇屡由此入犯。其北设石头烽墩处。北距定海县之大榭岛不足一海里。再东有定海县属之外屿岛,突入海湾之内,其间水道尤狭。再东复为海塘以达崎头北角,杭州湾南岸之极东处也。崎头角之外为崎头洋,穿山镇与大榭岛之间为黄崎港。明代倭寇进犯,常由崎头、黄崎登岸。自崎头至穿山仅三十余里,自穿山至县城仅五十余里,自三山至县城仅四十余里,钳口尤近在咫尺。清道光二十一年,英兵舰于虎蹲山外攻镇海口门,复分兵自钳口登岸,操金鸡山之后,山上之兵腹背受敌,遂至不守。

四、象山港沿岸

崎头山高四千五百又五尺,屹峙海滨。其引而东北者曰崎头北角,引而东南者曰崎头南角,即旗山也,高出海面二百十四尺。

其外海洋曰旗头洋,南有升罗岛,为象港北口第一要冲。更西曰官山,一名福山。曰五桂山,皆为小岛,霏霭所在官山北。西北距镇海县治五十五里,宋置霏霭驿。明洪武中置所,建城,周三里。清废所置千总分防。更西海中岛屿无数,最大者曰梅山,东西绵亘十余里,实合数岛而成。其东之炮台山,高一千二百四十四尺;盘崎山,高一千二百七十六尺。其南之茅豆山,高八百二十二尺。其西之烟墩冈,高一千五百七十三尺。在古昔皆岛也,今其积沙犹有向南扩张之势。梅山之东有扑蛇、青龙二岛。梅山之南有汀子山各岛,隔汀子港而与定海县属之佛肚岛相望。梅山北与大陆之间曰梅山港,多险难行。梅山西南曰孝顺洋,《县志》:昔有渔者至此,忽思其亲,故名。其中有群岛曰洋沙山,环列洋沙礁、独鹤、崎洋、毛崎、乌边礁各岛而成群岛。以北之大陆,皆为沙岸。其西南当镇海、鄞县交界,以南亦皆沙岸也。鄞县与镇海交界相近处有荒屿山,其南有黄牛礁,昔皆为岛,今已在沙岸之中。黄牛礁之西曰大嵩港,水通小轮。西北达大嵩所,所倚凤皇山山麓,西北距鄞县治五十五里,《县志》:元置巡司于此。明洪武中建城,周四里,倭寇往往入犯。清雍正后,以海防同知驻此。更北与东钱湖通。自大嵩港口而西南仍为沙岸,有川站、盘棋二岛,在横山埠以外之海中。更西南至鄞县、奉化界上曰横山关旧炮台。入奉化县,当松岙海中有岛二:东曰小立,高八百二十二尺;西曰大立,高一千一百二十六尺,西图名小立岛曰宁母拉特岛。大立岛北曰湖头渡,明代于此设戍守,清驻千总。渡北曰塔山城,元置,由下塞设巡司。明初改为塔山,旋废之。清复置。旧有祥岭炮台,在祥岭山上,高一千三百四十六尺。今皆不存。渡西突出沙岸之中者曰狮子山,高一千三百四十七尺。更西曰倒骑龙山,高一千一百五十三尺,亦突出沙岸之中,与狮子山相抱而成湾。倒骑龙之南曰黄藏头,高一千八百五十八尺,亦突出沙岸之中。自此转西,沿岸皆岛屿,最东曰缸牌岛,面积较大,亦作缸片,又名江鹏。高二千又四十四尺。西南曰大对山、小对山。亦作大德、小德。本为二岛,已联合为一。小对之北

曰横栏外山,北上大陆曰墙下潭,潭西为应村城司。司南曰仙人山,旧有望台置其上,高一千六百五十五尺。本为海岛,今已连于大陆。其西曰董公山,上亦置有炮台,今名望台山。其南海中有二岛:北曰凤皇山,高一千三百三十二尺;南曰悬山,高一千七百六十一尺,面积亦广。望台山西南当悬山之西曰桐照山,更西南曰大潘山。山南突起一冈,然入海亦名狮子山。俗以其险,谓之狮子口。清宣统时意大利军舰曾至此。天门山岛,在其南为其口门,西北属奉化,东南属象山,两县共之。一名书房山。自狮子山转西北为一大湾,然皆泥滩。最西为鲒崎山,鲒崎村在焉。更西南曰阿堤湾,为象山港北岸之极西处。

自阿堤湾而南有礁石三,俗呼三山,为奉化、宁海分界处,与其东之双山礁石同在泥滩之中。入宁海境仍为泥滩,东南有山角,东向入海曰金岙山,一名东隍。山南曰铁江口,阔八里,南北长二十六里,实为海湾,象山港极西南处也。口东曰狮子山,高二千二百又十尺。其北曰白象山,突出海中为半岛,而与其北之狮子山对峙,所谓白象嘴也。又东曰盒山嘴,由南之小圆山分支东北又折向西北,与白象相抱成湾。今湾内已多涂泥,无复湾之形状矣。盒山之北,正对天门山。由盒山嘴而东南为王墩港口,港长约三十里,阔约六里,向南深入,内通宁海县城,水量较钱江为深,通行小汽船。港之东岸纯为泥滩。口门小岛点点,曰分水礁,曰龟头山,而以小普陀山为较大。西北对天门山,东为铜山岛,又东北为青水门山,又东北为白石山。北属奉化,西南属宁海,东南属象山,三县共之。铜山与青水门之间曰铜山门,青水门山与白石山之间曰青水门,其西北则北岸之悬山岛也。

象山县西部沿岸皆为泥滩,其初有西周湾,向东伸入,乌纱山岛障其外,虎山、凤皇山列其中。今则乌纱山已连于陆,虎山、凤皇皆在内地,而湾亦不复存矣。乌纱山,高二千一百六十尺。东北曰王家塘山,高一千七百七十八尺;绵亘而东曰东密山,高二千一百

二十六尺。其间皆岩岸峭壁。临水东密山,东南曰西塔嘴,与东北岸之东塔嘴对峙,相距二百四十余丈,俗称蛤蜊嘴,亦名蛟门,扼高泥港之门户。两嘴,旧各筑有炮台,以为控制港内。北岸距嘴四里,有岩石伸入海中曰老鼠礁,与南岸猫头山,高一千九百六十二尺。伸入海中之猫头礁相对,岸蔽全港,为第二门户。猫头山东曰金夏山,高一千九百十二尺,突入海中。东北对羊角暗礁,为第三门户。其南曰西湖港,面积约三十六万里。其形如瓮,北岸负山而直,南岸带沙而曲。有渡头山,东曰陈山,东南曰黄溪,均通县城。南曰墙头渡,为通三门湾孔道。此港实为象山港最深曲险固之处,惜久失浚濬,全港已淤十之八,仅留数小流,以资交通。将来如实行开辟军港,非大加疏治不可也。自蛤蜊嘴绕高泥山,高三千二百二十三尺。而东北沿岸复为泥沙,棉花山、沙马袋山、犬窟山,昔皆附岸之岛,今皆在陆上矣。乌龟山在象山港中流,当棉花山之西,面积不大,为象山、奉化二县所共有。犬窟山之北曰后华山,高一千三百十二尺。北临港水,其东仍为泥滩,有西泽渡,在西泽山,高一千八百四十八尺。北麓,为北西通镇海县横山埠航路之起点。再东曰青莲山,亦作青电。高一千二百十八尺。其东西皆泥滩。昔与其东之郑家屿相抱成湾,今亦淤为平陆矣。再东北曰大石门山,高三百八十六尺。其外群岛曰七星礁,数实有九。北之鹊礁最小而险,东之野龙岛高五百三十五尺为最大,西南之里门、外门次之。野龙与大石门之间曰大石门水道,象北渔舟多由此出入。其南近岸有外蜊蜞、里蜊蜞二礁,亦七星中之小者。野龙之外即孝顺洋、大石门山,为象山半岛极北之处。折而东南曰黄沙塘,本为海湾,淤而成陆。其外岛礁之著者曰图礁,曰长礁,曰丁家山,曰球家山,曰活肚脐,曰鹅蛋礁,最东曰鹅头颈,与其南之子门山相对而成子门港。折而东南为一大湾,今已淤而成陆。湾东矗立海滨者曰老虎嘴,为炮台山北麓,炮台山高一千七百六十五尺,其南钱仓所在焉。西南距象山县治三十二里,《县志》:明洪武二十年建,清废所设兵防守。本由其西

之海湾为出入,海湾既淤,失其险要矣。炮台山东南曰长沙山,高一千六百五十三尺。其东北伸入海中曰猎户角,象山港南岸之极东处。按:象山港于清宣统二年,政府派员考察,曾有辟为军港之议。然实为本省最良之港,兹综述其形势,并附以图。

象山港环绕镇海、鄞县、奉化、宁海、象山五县,而定海县之六横岛屏蔽其口。自六横岛之双屿港北渡旗头洋至舟山,南渡孝顺洋至象山,均不过四十里。论其形势,犹刘公岛之于威海卫。险要一也。全港之长约三十海里,南北相距三四海里不等,西图名曰宁海拉特港。港口水深四拓,港内有深至十八九拓者。港源无大水道以注之,系海水所成之海汊。港内小岛颇多,能容泊无穷巨舰。港北洋沙列岛与港南象山县之七星礁,遥遥相望,相隔四十里,为第一门户。自此以西,港西渐杀至奉化横山口,南距象山之青莲山,相隔仅二十里,为第二门户。更西北岸之倒骑龙山,与南岸之高泥山相隔仅七里,其间水颇深,平均约十八拓,两岸山势交耸,使南北各置炮台,则港内不易入,此为第三门户。更西南分水道为二:其一南行折东,过蛤蜊嘴入高泥港,以达西湖港。港中建设船坞,停泊军舰外,有蛤蜊嘴、南北炮台,以扼其口,实为至安固之地也。其一西行以白石山、青水门山之横亘,又分水道为南北二汊,南汊较北汊为狭,入王墩港者取道南汊,往狮子口者取道北汊。狮子口外有天门山,横塞中流,伎于王墩者,铁江中停泊军舰,则南北二汊及狮子口又皆其重要之门户也。

五、象山县东岸情形

长沙山东北海中曰牛鼻山。土人名曰东柱山,亦名东屿。其西北曰耕夫山,土人名曰西柱,亦名西屿。实《方輿纪要》所谓双屿也,西图名为老老门列岛。东屿为大,高一千八百五十尺;西屿较小,高一千四百四十一尺。更西北曰擂鼓山。如叠石成堆,又名石头礁。诸岛与

大陆之间名为牛鼻水道,广约二海里,水深可行巨轮。自长沙山而西南,随处成湾,倚山为岸。昔时广置炮台,以资扼守,今则悉为沙泥壅积,形势与前不同。唐师姆山,昔为海岛,今则已在沙泥之中。其东大岛曰道人山,高一千一百五十尺。道人山岛以东海中,岛礁点点,不可胜计。唐师姆山以南曰东白严山,高二千八百六十五尺,突出海中,在昔与南岸突出海中之炮台山相抱而成湾,今则泥沙淤积,湾之面积亦减小矣。炮台山角以东曰乔木山岛,再东曰青门山岛,高一千六百五十尺,其间为青门海峡。再东曰大岩洞岛,其南曰马鞍山岛,《府志》:以形似名。与其南之羊背山岛,西图名摩母路儿岛。相抱而成爵溪沃。沃之西南,爵溪所在焉,西距县治十五里。《县志》:明洪武三十一年置,清废,设兵防守。有城,东西负山,北临海沃,有青门等岛障其外,可以屏蔽东北风。《方輿纪要》所谓青门港有山回抱,可以避风泊船者是也。惜近今沃中泥沙淤积,其间水道皆极浅,惟渔舟尚多停泊于此耳。自羊背山而南,沙岸严忝,半有向东南伸入海中者,为大庵基山之余脉。其东有大漠山岛,高一千三百二十三尺。西图名熊岛。其南有羊卵袋岛,高一千一百又一尺。折而西为一大湾,湾内一片平原,直接象山县治。当时皆海,即屹立湾西之后陈山,高二千二百又八尺,亦系大岛,而连于陆地者也。自后陈山迄东南曰海门山,高二千五百尺;曰陶地山,高一千八百七十七尺;又东南曰东旦门山,高一千七百五十四尺。湾形如弓,其间名大漠洋,岛屿无数。最北曰乌龟山,高一千二百又四尺。南曰大曾,曰狗黑,曰九门,皆小岛。再南曰双道尖,曰里道尖,曰外道尖。极南曰外旦门山,与东旦门山相对而成。海门迤西,复成一湾,有白沙山,高一千八百五十二尺,突出于湾之中。其西南曰冒石营,清时驻有水师,隶象山协。湾南曰昌国卫,北距象山县治四十五里,明洪武十七年置昌国卫于舟山岛上,二十年徙象山县之东门山后,复徙此。清裁卫设都司。自昌国卫而东北沿岸,仍为沙泥。其极东处,北曰张网山,高二千九百又八尺;南曰高陇山,高二千一百十四尺。

其一东延,其一东南延,夹成一沃。张网山之北有月屿山、屏风山二岛,其间为航线所经。高陇山之南有笔架山、蛇奥山,皆在海滨。蛇奥西即昌国卫之东南,昔为海水所通,今已淤为平陆矣。蛇奥山之南隔海为铜瓦山,高一千八百四十一尺,昔为大岛,今已连于陆地。铜瓦山东曰萝驾岛,高一千二百五十尺;再东曰牛阑基岛,高一千七百四十五尺。二岛之间曰淡水门,为轮舟之所经。再东曰铜头山,高二千二百四十八尺,其间水道曰榆树门。铜瓦山自北延长而南,其西南形成一湾,中包大、小铜钱二岛,岛之西陆石浦在焉,北距昌国卫十里。《县志》:明置巡司于石浦,后置千户所。清废所,移宁波府同知驻此曰石浦厅,后又移昌石营之都司驻焉。石浦城下甚便停泊,故其中肆颇繁盛,有小香港之称。铜瓦山之南曰南汇山岛,高一千六百七十尺,其间曰铜瓦门,可行大船。惟水道曲溢,流漩而疾,必待潮平,方便出入。清道光二十二年,英人犯石浦,由铜瓦门入。光绪甲申,法人游击我援台湾师船,其船遂沉于此。南汇山西与陆地之间曰下湾门水道,狭而多礁,轮舟往来,常兢兢焉。象山县东海岸止于此。

六、三门湾沿岸情形

三门湾北岸起于下湾门水道之南,其南即南田群岛。别详《岛屿篇》。自下湾门水道而西曰箬鱼洋,北岸多为盐场,仍属象山县。箬鱼洋西口有岛曰寨下门山,亦曰中界山,高一千五百九十一尺,故其间曰寨下门水道。岛之北属象山,南属三门,两县共之。寨下门山之西曰打鼓峙岛,高一千一百四十一尺,属于三门。其北与象山县大陆间曰合电门水道。再西曰玉泉盐场,属象山。盐场之西复有大岛,亚于南田,曰罗汉山岛。罗汉山在岛东南,高二千三百十二尺,岛中央之梅湾山,其高二千五百十七尺焉,全岛属三门县;其东北与象山大陆之间曰普陀门水道。罗汉山岛之西曰白礁洋,

延长而北为一海湾。罗汉山岛之西北当普陀门水道西端,有小岛曰台宁,东北属象山,东南属三门,西属宁海,三县共之。台宁岛之北,东有大沙洲曰大泥塘,面积颇广,属象山,其东与象山陆地间之水道曰浮礁港。大泥塘之北复有大沙洲曰强盗湾,属宁海县,其西与宁海县陆地间之水道曰岳井洋。强盗湾北有小岛曰狮子山,北属象山,南属宁海,近以沙涨,已与强盗湾合而为一。岳井洋南连白礁洋,其东北深入象山县之南部,昔时岛屿均已连于大陆。最北处距象山港中之西湖港不足二十里,诚可谓三门湾中最长之海湾也。

岳井洋、白礁洋之西,今属于宁海县之陆地,在上古纯为海湾,今则半已连于大陆,半亦为附近大陆之沙洲,更有向南逐渐扩张之势,无数岛屿,悉在陆上,此为沧桑之显著者。自白礁洋之南口迤而西,其间纯为泥滩,折而北曰车岙港。车岙港与岳井洋、白礁洋,东西纵列其间,实为半岛。北起岳岭头山,高一千八百十七尺;南迄澜头山,高一千四百九十七尺。中包各山,皆昔时之岛屿也。自车岙港口迤西南仍为大泥滩,转西北经五屿门有七小岛。五屿门曰东五屿、东可屿、西可屿、西五屿、宝丹牛、哑牛、哑喇,昔时距北岸颇远,为舟楫所经,今则东、西五屿均在泥滩之中。其它五岛,亦逼近矣。五屿门之西北有港,向北深入曰胡陈港,与车岙港亦东西并列。合岳井洋、白礁洋观之,不啻一川字也。胡陈港南部与车岙港南部之间为大沙洲,纵广各约十五里,以近年向南扩展之泥滩包五屿岛等计之,其面积增长约一倍。此大沙洲与北面大陆间相隔之水道曰杨梅前港,即为车岙港与胡陈相通之水道。大沙洲中有烟墩山,高一千七百七十六尺。与其它之山,皆昔时之岛屿也。

胡陈港口以西仍为泥滩,更西为一大海湾,乃三门湾以内之北部。其向北伸入者曰茶院港,向西北伸入者曰向岙港。港口有二岛,曰东、西白节山,今已淤积而西连大陆。两白节山之南泥滩,极目皆昔日之海湾也。迤东南入三门县境,有海岛曰蛇蟠山,高一千

二百七十五尺，今亦在淤泥之中，而西连陆地矣。

蛇蟠山东对五屿门，为入三门湾北部之口。自蛇蟠山迤南曰蛇蟠洋，向西伸入，分为南、北二汉，北汉之中又分为二，北曰旗门港，南曰正屿港，西抵大陆中狭极长之沙嘴。南汉曰海游港，与正屿港共包正屿沙洲其中，正屿山高二千六百四十六尺，本一岛也。正屿港之西有横港与海游通此，为三门湾港极西之处。

蛇蟠洋东南曰猫头洋，有数岛障其东，最南曰田湾山，高一千五百二十一尺；其北曰青门山，高二千三百六十九尺；再北曰灶窝山，一千二百六十五尺。两岛之间曰六脑门，舟楫所经也。灶窝之北更有数小岛，连绵而北，接于五屿门，为三门湾之外蔽。自蛇蟠洋而西南为健跳江口，健跳所在其北岸，西北距三门县治约十里。明洪武二十年置千户。清废，驻有游击、守备等官。健跳江西上绕金罗山而南折，是三门湾极西南之处。健跳江口有大狗、小狗二岛。近以沙积之故，已合为一，为健跳江口之外蔽。大狗东南有点灯、大熊等六七小岛，再东南曰牛山角，角东有岛曰牛山嘴，其间为牛角门。牛山嘴东南海中曰五子列岛，大小岛屿凡十余，最大者高一千四百尺。自牛山嘴折而西南又有数湾凹入陆地。向东南突出者曰牛头山，高二千又七十四尺，其外为牛头洋，洋之东三门列岛在焉。岛数凡十，最高昔一千一百尺。西与牛头山之间为三门湾之口，湾以岛得名，县又以湾得名也。三门列岛与其西北之五子列岛，昔皆属临海县，今属三门。

附：三门湾形势说并图

三门湾分属象山、宁海、三门三县。象山县占其东北一小部，宁海县占其西北部，三门县占其南部。三门列岛为舶出入之所必经，故以为名。湾内有大港凡六，小岛不可胜计，然多半已淤而连陆，湾中之面积日以缩减，成为一片之沙涂，故其地极宜于农垦。前清光绪初年派开垦委员驻南田岛上，为注意经营之始。民国九